

籌辦夷務始末

咸豐朝
卷四十三之四十四

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88

89

90

91

92

93

94

95

96

97

98

99

100

101

102

103

104

105

106

107

108

109

110

111

112

113

114

115

116

117

118

119

120

121

122

123

124

125

126

127

128

129

130

131

132

133

134

135

136

137

138

139

140

141

142

143

144

145

146

147

148

149

150

151

152

153

154

155

156

157

158

159

160

161

162

163

164

165

166

167

168

169

170

171

172

173

174

175

176

177

178

179

180

181

182

183

184

185

186

187

188

189

190

191

192

193

194

195

196

197

198

199

200

201

202

203

204

205

206

207

208

209

210

211

212

213

214

215

216

217

218

219

220

221

222

223

224

225

226

227

228

229

230

231

232

233

234

235

236

237

238

239

240

241

242

243

244

245

246

247

248

249

250

251

252

253

254

255

256

257

258

259

260

261

262

263

264

265

266

267

268

269

270

271

272

273

274

275

276

277

278

279

280

281

282

283

284

285

286

287

288

289

290

291

292

293

294

295

296

297

298

299

300

301

302

303

304

305

306

307

308

309

310

311

312

313

314

315

316

317

318

319

320

321

籌辦夷務始末卷之四十三

咸豐九年己未八月戊午。俄羅斯照會。

為照會事。八月十七日。由禮部送來軍機大臣照會一件。

本大臣業已接到。始閱其文。深為詫異。因文內所稱。俱不

合。歷年議定和約。兩國相交。友道。即貴處及本大臣照會。

亦不相符。想本大臣前本月初五日所照會。貴處大臣。或

未視全。或未看明。或未介意。貴處大臣。稱中國與本國地

界。康熙年間。久已分定等語。似屬不實。設若兩國地界。康

熙年間分定。則恰克圖。愛琿等和約。何為而立。即天津和

約第九條。又何為而作。遇兩國交界決定之時。其邊界去

向何處者。當細載於和約。並繪地圖。作記文。方妥。乃天下各國之定規。照此規記載。恰克圖決定之邊界。並非康熙年間。乃乾隆年間。且兩國邊界甚長。而決定之地。不過七分之二。上年愛琿城立定東界。順黑龍江。至烏蘇哩江口。八月初五日。本大臣照會。曾言東界分定之時。實有

貴國之益。咸豐八年五月初四日。降與大學士桂之

諭旨。以烏蘇哩江為界。如是東方未分定之界。尚有將及七百里。即自烏蘇哩源處至海。西方未分定之界。尚有將及三千六百里。即自河濱山至浩罕地。貴處大臣。言兩國地界。於康熙年間。久已分定之語。以何為據。若兩國地界。久已分

定。其天津和約第九條。有何意可講。貴處大臣亦曾引此條為證。可見本大臣所言。皆有證據。請貴處大臣所稱。何以為據。而示我。使我不誤兩國大事。再據本月初九日。貴處大臣照會。內稱。分界一事。必須會同履勘。方能明晰。斷非京中所能懸揣定議。現在

貴國派出吉林將軍。黑龍江將軍。在彼等候。妥辦此事。以貴處大臣之意。不若本大臣迅速照會。委會辦地界之人。早赴黑龍江會同。

貴國所派之員。詳為妥辦等語。現在本大臣有存繪成兩國共管之地圖。及記文。足以此處妥辦分界之事。而准上言。

貴大臣照會。特為護持兩國和好。故將廓米薩爾伯多郭斯奇同其協辦員等。派往黑龍江辦理分界之事。奈貴處大臣似有反悔。並不顧八月初九日貴處大臣照會。所稱八月十七日。反行本國所屬及闊吞屯奇咭等地而言。並本國船隻。順松花江往東入海行走。即由京派員往愛琿城會勘之處。礙難准行等語。可見貴處大臣。先後照會不符之至矣。先設之法。不數日竟已更改。並將無理之事。強言有理。豈是公道誠心之辦。至闊吞屯奇咭等處。及本國船隻。順松花江往東入海行走。無可商辦。因本國船隻行此水路多年。松花江從未屬於

貴國。若本國則道光三十年。江口已有建立礮臺數處。又咸豐八年。本國與英國交戰時。英國兵船。欲進奇咭。意往履勘滿洲地方。本國兵逐之境外。且非闊吞屯奇咭二處。本國兵民久住。即烏蘇哩右岸。有二十三處。本國兵民久住。而

貴國邊界官員。仍呈稱烏蘇哩。與本國不相毗連。何也。東錫畢爾各省總督。理水路各營兵。御前大臣。公木哩斐岳幅。阿穆爾斯啓。自東海歸本省時。於九月二十日前後。畢至黑龍江之尼适拉耶幅斯克。布拉郭微是成斯克二城。貴處大臣。願使黑龍江將軍。吉林將軍等。與公木哩斐岳幅

會同商辦邊界之事。宜令該將軍等往愛琿城預咨行本國住布拉郭微是成斯克城之因畢爾那託爾使伊呈之公木哩斐岳幅。

貴國將軍等候商辦分界一事方妥。除分界一事奉本國大皇帝之旨。本大臣則有與

貴國大臣大議之事件。並新近所來之信。有應面說與

貴國緊要之言。所以祈軍機大臣照天津和約第一條。即准

本大臣八月初五日照會所言。代奏

貴國

大皇帝。派大學士。或軍機大臣一員。會晤商辦。再前照會本大臣

曾言將會晤商辦情形。細書奏明本國大皇帝。使聞

貴國待本國之實勢而照辦之。今本大臣擇定於九月初二日。派廓米薩爾伯多郭斯奇等二員。兵丁二名。由京前往。恰克圖帶去奏文。懇祈貴處大臣。飭令沿途驛站官員。備馬十匹。駝七隻。由京至張家口。用拉行李車二輛。馬匹鞍韉等物俱備。為此照會軍機大臣可也。

己未

欽差大臣兩江總督何桂清奏。查味酋華若翰返權後。連日與英。啡二酋。往來密談。夜分始散。英領事密迪樂。則因催緝殺傷英夷。兇犯向吳煦等云。天津做成圈套。誘其入港。致斃

多命。味酋入都。待如俘酋。又令回至北塘換約。味酋因勢孤。不得不然。各國商人。無不忿忿。明春定欲赴津報復。上海本可無事。忽又造出擄人之說。以致百姓滋鬧。正兇又不孥獲。明係華官故意唆使百姓為此。必致激成大變。吳煦等因其語無倫次。答以味夷進京。待之以禮。又奉

大皇帝頒發璽書。榮寵已極。爾嘆唏兩國。若不自行肇釁。亦必同邀

異數。今因羨而生妒。作此不經之談。希冀播弄是非。此等伎倆。孩提之童。亦能識破。言之無益。至擄人之案。雖與爾國無涉。而愚民無知。安能分別誰為何國之人。一時忿激。已成眾

怒難犯之勢。若非地方官妥為彈壓保護。爾等恐喫虧尚不止此。既許爾等緝拏要犯。決不食言。惟人多勢眾。並無首先起意之人。必須設法訪緝。始無枉縱。不能頃刻拏獲。亦不能助爾抑民也。密迪樂無詞可答而退。旋據華若翰送到照會。以換約後。應照新章開市。請即咨行五口。並新開之潮州。臺灣二口。曉諭商民等語。竟將前此在京與大學士桂良等。往來照會抹煞。顯係為哄拂所唆使。意圖嘗試。臣當即查案照覆。乃該酋後來照會。則將在京往來照會。飾詞狡賴。約臣於八月十九日。前往上海會商。先照新章完納船鈔。並在新開之潮州。臺灣二口。先行互市。其餘

暫緩施行。且向吳煦等聲稱。臣如不往上海。該酋即至常州。並以此事關係甚大。亦不便與委員藍蔚雯等商辦等語。吳煦等與之反覆辯論。堅不允許。將照會轉呈前來。臣查天津原定條約。因各貨轉運內地。課稅未經議定。故有限四箇月為期。出示曉布之語。嗣於上海議定稅則。即於善後章程。聲明第二十八條所載。可毋庸議。則四箇月期限。即在勿庸議之列。華若翰先則儻侗請開新章。迨臣駁覆。則所請僅止兩事。一經允許。則得步進步。勢所必然。且查桂良等前次照會內稱。各口通商。不止貴國一處。此時英佛條約。尚未議定。未便兩歧。恐礙通商大局。似應俟英

佛兩國一律定議之後。再開新章。其如何定議。望與總理大臣會商辦理等語。聲敘本甚明晰。而該首覆文內。則將不止貴國一處之語截去。僅以各口通商。須歸一律辦理。斷章取義。含混照覆。留為今日饒舌地步。臣現備文照覆。應俟請

旨遵行。視其覆文如何。再作計較。惟桂良等照會該首文內。既有與臣會商之語。如其必欲見臣。一經堅拒。必致徑來常州。駭人耳目。而英佛兩酋。既在上海。臣到彼後。不與見面。則怨望更深。擬俟屆時。輕舟減從。仿照前督臣怡良接見味首之案。訂期前往崑山一帶。與之一見。所請兩事。僅能待

至暎咈一律辦理。最為妥善。否則體察情形。如無十分窒礙。再當奏請。

訓示。萬一藉端欲為暎咈作說客。俟有可乘之機。即當迎機以導。斷不敢稍有遷就。再奉。

頒發璽書。已於初三日。准直隸督臣恆福咨送到。臣當即備具照會。派委標弁。敬謹齎交署蘇松太道吳煦。據稟。味酋擇於十三日祇領。上海民夷。現已照常。仍勒催地方官。上緊緝免。禁止僱人出洋。

諭軍機大臣等。何桂清奏。味酋請照新章完納船鈔。即在潮州。臺灣。先行開市一摺。覽奏均悉。味酋華若翰。回至上海。將在京照

會。飾詞狡賴。並約該督前往上海會商。先照新章。完納船鈔。並
在潮州。臺灣。二口。先行互市等語。各口通商。須俟暎咈條約議
定後。再開新章。桂良等。照會該督。聲敘明晰。今華若翰。欲在潮
州。臺灣。先行互市。若一經允許。必至得步進步。何桂清。現已備
文照覆。俟其覆到。如必欲與該督一見。自可往崑山一帶。與該
督會晤。所請完納船鈔一節。似尚可允。至潮州。臺灣。本在五口
之外。必須俟暎咈兩國定局後。方能辦理。斷不准其先行互市。
如華若翰。藉此為暎咈作說客。該督仍遵前旨。不可先向其關
說。以致跡涉求和。如該夷誠心悔悟。自來乞請。再為迎機善導。
操縱之機。全在該督臨時酌辦。至上海各國通商。以茶葉為大

宗。現在嘆噤聲言赴津報復。不肯就我範圍。必須設法鈐制。為釜底抽薪之計。著何桂清密飭上海道。將運茶各商。向與何國交易。先行查明。如明年該夷阻撓海運。即可禁止茶葉出口。儻他國夷商不願。即告以因係嘆夷與中國為難。未便與別國互易。致令影射。如此辦理。他國或恐罷市。歸怨嘆夷。因而易於轉圜。亦未可知。但此係將來辦法。何桂清慎勿宣露。

壬戌。署黑龍江將軍特普欽奏。八月初二日。接奉寄

諭。奕山等奏。遵旨會商分路派員守候夷酋等因。欽此。前以協領

越署吉林將軍印務。數月之久。已形竭蹶。茲復謬蒙

逾格。將協領開缺。暫署黑龍江將軍事務。該處地當邊要。為俄夷

接壤之區。實恐難勝任。不禁警惕彌深。合無仰懇

天恩。俯准。努進京。

陞見。跪聆。

聖訓。俾努到任辦理一切。得所秉承。而裨公務之處。出自

鴻慈。

諭軍機大臣等。特普欽奏。接奉廷寄。懇恩陞見等語。黑龍江地方緊要。特普欽著即赴署任。無庸來京陞見。俄首伊格那提業幅在京疊次投遞照會。欲定分界。請派員履勘。並說言在黑龍江吉林等處。未見中國官員。經軍機大臣等。以中國與俄國交界。總以康熙年間所定界址為憑。無可改易。所云會同履勘。京中